



Aningaasaqarnermut Nunamullu Namminermut  
Naalakkersuisoq

Dato: 02-07-2021

J.nr.: 01.31.06/21-00942

## **Aningaasaqarnermut Akileraartarnermullu Ataatsimiititaliap tallimangornermi ulloq 02. juli 2021-mi aalajangiineranik Naalakkersuisunut ilisimatitsineq**

**Karrat Kangerluanni illunik piginnittunut, pisortanit taarsigassarsialinnut immikkut ittumik iliuuseqarnissamut Namminersorlutik Oqartussat kommunalbestyrelsillu piginnaatinneqarnissaannut ilassutitut aningaasaliinissamut qinnuteqaat. Ataatsimiititaliap suliaa nr. 01.31.06/21-00942**

”Naalakkersuisut inassutigaat,

- Kontomut pingaarnermut 20.10.35 Innuttaasunut, Uummannap eqqaani il.il. pinngortitami ajunaarnersuaqarnissaanut ulorianartorsiorfiusuni najugalinnut immikkut ittumik ikiorsiineq, oqaasertaliussaq nr. 6 2021-mi ilassutitut aningaasanut inatsimmut ilanngunneqassasoq.
- Aningaasaqarnermut Akileraartarnermullu Ataatsimiititaliap qinnuteqaammik nukingiuksilluni suliaqarnissaanut qinnuigineqassasoq.”

### **Aningaasaqarnermut Ataatsimiititaliap oqaaseqaatai**

Oqaaseqaatissaqanngilaq.

### **Aningaasaqarnermut Ataatsimiititaliap aalajangiinera**

Naalakkersuisut inassuteqaataat taamaalillunilu aamma oqaasertaliussat matuma kingulianiittut Aningaasaqarnermut Akileraartarnermullu Ataatsimiititaliamit **akuersissutigineqarput:**

**Kantomut pingaarnermut 20.10.35 Innuttaasunut, Uummannap eqqaani il.il. pinngortitami ajunaarnersuaqarnissaanut ulorianartorsiorfiusuni najugalinnut immikkut ittumik ikiorsiineq, oqaasertaliussaq**

Oqaasertaliussamut matumunnga nassuiaatit 2021-mut ilassutitut aningaasaliissutit pillugit inatsimmut siunnersuummi kontomut pingaarnermut matumunnga ilanngunneqarnissaat qinnuteqaatigineqarpoq:

“Nr. 6.

Niaqornani, Ukkusissani, Ikerasammi, Saattuni, Qaarsuni kiisalu Uummannami innuttaasunut, Karrat Kangerluanni qaqqamit sisoortoqarnissanut tassaarsuaqarnissaanullu ulorianartorsiorfiusunut imatut aalajangersaasoqarpoq.

Illumik piginnittup qinnuteqarnerani illumik, inissialiørnermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat, 19. november 2007-imeersoq naapertorlugu piginnittup najugaqartussaataitaneranut piumasaqaammik saneqqutsinissamut Naalakkersuisut piginnaatinneqarput. Najugaqartussaataitanermut piumasaqaammik saneqqutsinissamut qinnuteqaat ukiumoortumik Naalakkersuisunut nassiunneqartassaaq.

Illumik, inissialiørnermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat, 19. november 2007-imeersoq naapertorlugu taarsigassarsititsiviusimasumik piginnittup inissiamik attartortitsinissamik qinnuteqaataanut itigartitsinissamut Naalakkersuisut piginnaatinneqarput.

Inoqutigiit illumiit nuussimappata aammalu illu attartortinneqanngippat, illumik piginnittup qinnuteqareerneratigut, inissialiørnermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat, 19. november 2007-imeersoq naapertorlugu taarsigassarsiat akilersorneqarnerinik unitsitsigallarnissamut Naalakkersuisut piginnaatinneqarput. Taarsigassarsianik unitsitsigallarnissamut qinnuteqaat ukiumoortumik nassiunneqartassaaq.

Illumik piginnittup qinnuteqareerneratigut, illumik, illunut sanaqataaffiusunut taarsigassarsiat pillugit Inatsisartut inatsisaanni nr. 28-mi, 3. december 2018-imeersumi maleruagassat atuuttut naapertorlugit taarsigassarsiaqarfiusumik piginnittup najugaqartussaataitaneramik piumasaqaammik saneqqutsinissamut kommunalbestyrelsi piginnaatinneqarpoq. Najugaqartussaataitanermik saneqqutsinissamut piumasaqaammik saneqqutsinissamut qinnuteqaat ukiumoortumik Kommunalbestyrelsimut nassiunneqartassaaq.

Illumik piginnittup inissiamik, illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersoq naapertorlugu taarsigassarsititsiviusumik attartortitsiniarluni qinnuteqaataanut itigartitsinissamut Kommunalbestyrelsi piginnaatinneqarpoq.”

**Kotomut pingaarnermut 20.10.35 Innuttaasunut, Uumannap eqqaani il.il. pinngortitami ajunaarnersuaqarnissaanut ulorianartorsiorfiusuni najugalinnut immikkut ittumik ikiorsiineq, nassuiaatit**

Oqaasertaliussamut matumunnga nassuiaatit 2021-mut ilassutitut aningaasaliissutit pillugit inatsimmut siunnersuummi kotomut pingaarnermut matumunnga ilanngunneqarnissaat qinnuteqaatigineqarpoq:

“Nr. 6.

Naalakkersuisut nunaqarfinni boligstøttimit taarsigassarsilluni illulianik, nammineerluni illulianik aamma illunik sanaqataaffiusunik sananissamut taarsigassarsititsisimapput. Boligstøttimit taarsigassarsilluni illulianut taarsigassarsiallit taarsigassarsiat erniaanut akilersuutinullu akiliisarput, nammineerlunilu illulianut taarsigassarsiat taarsigassarsiaapput erniaqanngitsut akilersugassaanngitsullu, ukiuni 20-ni annertoqatigiinnut agguarlugit appartikkiartuaarneqartut, kiisalu ilassutitut taarsigassarsiat akilersorneqartussaallutik.

Kommunalbestyrelsi 2019-imili illunut sanaqataaffiusunut taarsigassarsititsisalerpoq. Taarsigassarsiat taakku ukiuni 20-ni annertoqatigiinnut agguarlugit appartikkiartuaarneqartussaapput.

Nunaqarfinni Niaqornani, Ukkusissani, Ikerasammi, Saattuni aamma Qaarsuni inoqutigiit tamarmik nunaqarfimminiit nuukkusukkunik sumiiffimmi allami inissiamut attartortittakkamut neqeroorummik tigusaqartussaapput. Tamanna aamma Uummannami innuttaasunut, inissiaq qarsutsiviusussamut titarniliusaaq inorlugu inissisimappat atuutsinneqassaaq. Tassalu naatsorsuinermi tassaarsuup maliinut ulorianartorsiorfitsiviusutut isigineqartumi.

Innuttaasut ilaannit oqaatigineqarpoq, inissiamut attartortittakkamut akuersinerminni inigisartik iperarniarnagu. Kingusinnerusukkt uterusulersinnaanissaminnut nalorninerat tamatumunnga tunngavilersuutigineqarsinnaavoq. Illu najugartik iperassagunikku najugatoqqaminut uterniarnerat ajornakusuulersinnaavoq.

Pissutsit immikkut illuinnarneranni innuttaasut arlallit, Uummannap eqqaani il.il. pinngortitami ajunaarnersuaqarnissaanut ulorianartorsiorfiusuni najugaqarmata, immikkut illuinnartumik taarsigassarsiat akiligassanngortinngikkaluarlugit inissiani pisortanit taarsigassarsiaqarfiusuni najugaqartussaataitanermik atuinnginnisaaq pillugu akuersinissamut Naalackersuisut aamma Kommunalbestyrelsi periarfissinneqassapput. Najugaqartussaataitanermik atuinnginnissamut qinnuteqaat ukiumoortumik nassiunneqartassaaq.

Taarsigassarsianik utertitsinissap unitsikkallarnerani illumik piginnittoq inissiamik attartortitsinnaassanngitsoq, taamaalillunilu illumik attartortitsinermini aningaasanik isertitaqarsinnaassanngitsoq pillugu piunasaqaat ilanngunneqarpoq.

Inissiaq, pisortanit taarsigassarsiaqarfiusooq qarsutsiviusussamut titarniliussamiit qaffasinnerusumiippat, illunut sanaqataaffiusunut taarsigassarsiat pillugit Inatsisartut inatsisaanni nr. 28-mi, 3. december 2018-imeersumi maleruagassat atuuttut naapertorlugit illumik piginnittup inissiaq ukioq ataaseq tikillugu attartortissinnaavaa. Taamaalilluni illumik qarsutsiviusussamut titarniliussamiit qaffasinnerusumiittumik piginnittoq taarsigassarsianik unitsitsigallarnissamik qinnuteqartariaqassanngilaq, kisiannili inissiaq pigisani maleruagassat atuuttut naapertorlugit ukioq ataaseq tikillugu attartortissinnaalluni. Taamaalilluni illuutillit taakku ukiup ataatsip qaangiunnerani inissiamut uternissamut periarfissaqartinneqassapput.

Inissiaq qarsutsiviusussamut titarniliusaaq inorlugu inissisimappat, oqaasertaliusaaq manna aqqutigalugu inissiap attartortinneqarnissaanut qinnuteqaammut Naalackersuisut Kommunalbestyrelsilu itigartitsinissamik periarfissinneqarput. Inissiap qarsutsiviusussamut titarniliusaaq inorlugu inissisimanagera, taamaalillunilu qaqqamik sisoortoqarnerani tassaarsuarmut ulorianartorsiornera tamatumunnga tunngavilersuutigineqarpoq.

Illunik piginnittut ukiumoortumik najugaqartussaataitanermik saneqqutsinissamut aamma taarsigassarsiat unitsikkallarneqarnissaanut qinnuteqaammik nassiussisussaapput. Taarsigassarsianut piunasaqaatit allat oqaasertaliusaaq manna aqqutigalugu atorunnaarsinneqanngillat. Tassalu illuutillip ilaatigut sulii illu sillimmasersimasussaavaa aammalu

illu aserfallatsaalineqartussaavoq. Taamaalilluni aamma illumik piginnittup inissiaq qimappagu, illu assersuutigalugu qerisoornissamut isumannaallisarneqarsimassaaq.

Aamma illunik, pisortanit taarsigassarsiaqarfiusunik piginnittut tamarmik maleruagassat atuuttut iluanni illuutiminnik Naalakkersuisunut imaluunniit kommunalbestyrelsimut utertitsisinnaapput. Tassunga tunngatillugu *kontomut pingaarnermut 20.10.35 Innuttaasunut, Uummannap eqqaani il.il. pinngortitami ajunaarnersuaqarnissaanut ulorianartorsiorfiusuni najugalinnut immikkut ittumik ikiorsiineq, oqaasertaliussaq*, Inatsisartut Aningaasaqarnermut Ataatsimiititaliaannit 28. maj 2021-mi akuerineqartoq inissiaq Namminersorlutik Oqartussanut tunniunneqassappat akiitsunik isumakkeerinissamut appartitsinissamullu inatsisitigut tunngavigineqassaaq.

Taamaalillutik illunik, pisortanut taarsigassarsiaqarfiusunik piginnittut ataatsimut isigalugit nuunnerminnut atatillugu Namminersorlutik Oqartussanut kommunalbestyrelsimullu aningaasaqarnikkut pisussaaffimminnik iperaasinnaapput.

Oqaasertaliussami piginnaatitsissutip ukiuni arlalinni, immaqa ukiut tallimat tikillugit, atorfissaqarnissaa siunnerfigineqarpoq, taamaattumillu oqaasertaliussaq ukiuni tullerni aningaasaliissutinut inatsisinut ilaatinneqartartussaavoq.

Oqaasertaliussaq nutaajuvoq.”

Ataatsimiititaliaq sinnerlugu



Paneeraq Olsen

Ataatsimiititaliap siulittaasua